

宋

會

要

宋會要

討叛三 青唐本征全圖

青唐 神宗熙寧八年董氈將青唐結鬼章與冷難朴
大入寇邊遣內侍省押班李憲捕之 十年鬼章驢誘
熟羌圍岷州城寨占據鉄城憲命种諤夜出兵二千度
洮水直抵鉄城鬼章兵潰臨斬冷難朴於是董氈怙懼
遣首領入朝謝罪詔以董氈為都首領結鬼章為廓州
刺史 哲宗元祐二年三月鬼章復寇洮州分築洮州
為兩城以居五月一日圍河州南川寨詔出兵百五十
指揮凡七萬餘人戍邊且博詢士大夫可與計畫者大
臣以奉議郎游師雄應詔時鬼章與夏人連謀入寇中
分熙河師雄謀知之言於熙河蘭會路經畧使劉舜卿

請分兵兩道急裝輕骨並洮水而進八月十七日姚兕
種誼攻講朱城焚其飛橋移時羌十餘萬至不得度十
八日說至洮州士皆慶戰呼聲動天地一鼓破之擒鬼
章及其大首領九人斬馘數千十一月十二日鬼章入
獻于崇政殿詰犯邊狀伏罪誅死聽招其子部屬歸附
以自贖三年正月二十四日詔阿里骨已差人奉表詣
闕謝罪令邊將無出兵仍罷招納 元符二年春洮西
安撫王瞻密畫取吐蕃之策遣舉人黃亨上其事於朝
章惇喜其說下熙河路經畧使孫路計議路即大發府
庫招來羌酋夏六月河南大首領邊廝波結以錯鑿請
朱一公當標四城降七月二十五日瞻引兵度河取邈

川 因秦遼川古湟中地東北控夏國西接宗哥青唐
巢穴南距河州一百九十里東至蘭州二百餘里乞建
為湟水軍從之 王愍別提麾下兵出省章峽取宗哥
城孫路度青唐未可朝夕下欲先固遼川及河南北諸
城然後進師瞻乃奏青唐不煩大兵可下也朝廷以路
逗留失機會更以胡宗回為經畧使宗回罷王愍統制
以瞻為之 初瞻御路不專委已故陳青唐可下欲以
中路至是乃陳夏人點集謀救遼川可守禦不可進攻
宗回怒其語反覆遂以軍法趣瞻出師 九月二十日
瞻提孤軍入青唐隴柁出降閏九月四日詔以青唐為
鄯州仍為隴右節度鄯州湟州并河南北新收復

城寨並隸隴右仍屬熙河蘭會路以瞻知鄯州充隴右
沿邊安撫使兼沿邊都巡檢使以王厚知湟州是冬胡
宗回奏又營建洮州 青唐下後數日王愨語人曰今
主帥不先固邈川以東城壁而取青唐非計也以今日
計之青唐有不可守者四自炳靈寺渡河至青唐凡四
百里道塗險阨緩急聲援不能及一也羌若斷炳靈寺
浮梁寨省章之險我雖有百萬之師倉卒不能進二也
瞻以孤軍入青唐後無援兵羌人窺伺必生他變三也
設遣大兵而青唐宗哥邈川食皆不支一月內地無糧
可運難以久處四也 未幾心牟欽乞師夏國夏國遣
監軍白峇牟人多保忠 白峇牟本吐蕃首領夏國以

女妻之人多保忠即夏國右廂監軍 點集四監軍兵
合吐蕃兵數萬人來攻膽止謂山南諸羌叛遣部將李
賓統精騎二千乘夜入保敦嶺擊之九日以李遠王瑜
米世隆李昶毛吉張可久六人部押降羌部落守東城
膽悉以所統兵守西城羌攻東城甚急十二日會李賓
討山南族帳解安兒圍至是始還與羌軍轉戰城內軍
士聞之馳赴羌遂奔潰時邈川亦被圍城中不滿千人
守禦器械百無一二總管王愍乃令軍士徹戶為盾剡
木為戈籍城中子女衣男子服以充軍以瓦炒黍供軍
餉晝夜備禦率死士開門血戰會帥司亦遣苗履姚雄
將兵來援復下臆哥黑城焚蕩族帳羌不知我兵衆寡

遂引兵遁去圍始解十月五日履雄乘勢引兵開路至青唐繼而結鬼章及峽外羌復叛攻圍青唐安兒宗哥林金城贍與宗回文檄不相通者四十餘日陝西轉運判官秦希甫上其事朝廷以青唐為難守二年二月二十八日命熙河蘭會路兵馬都監兼知河州姚雄統領軍馬救援青唐時吐蕃不留兵守省章却於峽外平川邀戰雄軍既度峽於是三戰三捷直至青唐合贍軍塞鄯州以歸自省章峽以西皆捐之更以湟州為都護四月姚雄將兵城河州安鄉闕康謂將兵城蘭州京玉闕夾河成築關堡以護浮梁八月雄復築瓦吹是為寧兆寨次築黑城是為安隴寨以圓堡為寧川堡以騰哥為

安川堡 是冬雄奏王贍貪功生事收復窮遠之地費財勞師無陷兩路兵馬煩朝廷遣兵救應及臣僚言贍厚侵盜青唐珍寶財物詔贍房州安置厚添差監隨州酒稅以雷秀知湟州 徽宗建中靖國元年二月初廷委姚雄謀度棄守利害雄以為可棄無疑三月十六日詔河西節度使趙懷德知湟州盡賜見在糧草委之招納携叛許以戎索從事其元置守臣及官吏兵將悉追還除存留湟州城壁樓櫓外沿路堡寨並令毀撤仍命姚雄知熙州委以措置 時湟州易糧告竭人馬多死議者謂所費不貲難以經久議棄湟州故有是詔 雄以雷秀為東路統制將湟州兵馬由京玉關以歸以蕃

兵總領劉玠為西路統制將兵護湟州居民商旅由安鄉關以歸 崇寧元年七月蔡京自尚左丞入相日以興復熙寧元豐紹聖為事於是侍御史錢適言乞除雪贍厚罪名及正當時議棄地者之罪於是詔王厚敘皇城副使王瞻追復供備庫副使而一時議棄地韓忠彥曾布安燾李清臣蔣之奇范純禮陳次升都貶錢景祥秦希甫龔夬張廷堅並貶責有差收復湟鄯之謀自此始矣時上又問知樞密院事蔡卞曰鄯湟可復否卞對曰可復問誰可將對曰王厚可為大將高永年可統兵上從之於是命厚知河州兼洮西安撫厚請擇人以自助詔遣內容省使童貫與偕朝廷自棄鄯湟畔羌多

羅已迎隴彬之弟曰溪賒羅撤立之趙懷德奔河南

二年二月以王厚權尙當熙河蘭會路經畧司重貫為
熙河蘭會路尙當公事六月厚貫發總領蕃兵將官高
永平蕃兵將官李忠熙州將辛叔詹河州將辛叔獻蘭
州將姚師閔劉仲武通遠軍潘逢王用及王亨党萬等
提兵分道並進連日大捷遂圍湟州溪巴温溪賒羅撤
遁去收復湟州以一公城為循化城達南城為大通城
亂當城為來賓城當標城為安強寨九月築來賓城綏
遠關臨宗寨三年三月二十九日厚貫統大軍出師金
平四月九日高永年三道進師鼓行至鶻子隘大捷斬
首四千餘級追奔三十餘里是日入宗哥城十一月復

安兒城青唐首領偽公主壽宜結年乞降十二月王師
入青唐城十三日復林金城蘭宗堡十八日復結囉城
十九日復廓州五月曲赦熙河秦鳳永興軍路以鄯州
為西寧州大觀二年四月二十四日童貫分遣統制官
辛叔獻馮瓘領軍自岷州入界收復洮州興工脩築又
分遣統制官劉法張誠王亨自循化城入界統領官焦
用誠陳迪由廓州三路入以五月三十日收復洮州及
漢哥漢哥城偽王子臧征僕哥降以漢哥城為積石軍政和五
年貫又進築震武城以為震武軍自是唃廝羅之地悉
為郡縣 宣和元年六月一日詔眷言西陸之人世為
中國之輔凡爾赤子亦予良民屬者輸款來歸有加悔

罪欲民休息已詔罷兵誓書之言堅如金石 木征

神宗熙寧四年八月九日命同提舉秦州西路蕃部及
市易公事王韶管勾秦鳳路沿邊安撫司始經營以復
熙河也 五年四月詔招降洮河武勝庫一帶蕃部千

餘人各補職名 五月建古渭寨為通遠軍將恢復河
隴為開拓之漸就差韶兼知軍事以八月八日韶等部
將士收復武勝軍賜名鎮洮軍時木征餘黨尚懷拒命
知德順軍景思立專以本將軍馬策應詔賞得功將吏

十一月詔招降馬蘭川東抹邦一帶大首領溫通昌
廝難等各補職各補職名 六年春韶等領大兵收河

州先鋒斬首千餘級木征遁走生擒其妻贖三年并其

子而蕃賊約三千犯香子城劫奪輜重令苗投領勁騎擊退詔領大兵繼進戮牛精谷一帶作過蕃部又差景思立王君萬以兵招安通路與蕃寇遇斬首三千餘級奪輜重牛羊等十一月收復河州破蕩其部族繼收岷疊宕故州地七年四月木征出降并其家屬承引押赴闕詔除團練使金國高宗建炎元年五月六日詔金人侵犯磁相等州遣將馬忠將所部兵五千號一萬張換將所部如忠之數與忠應接相為聲援前去河北自恩冀州以北取路過河趨河間府雄州以來追襲八日遣薛廣將所部兵三千人自內黃過河會合河北山寨義兵一萬人收復磁相等州張瓊將所部兵三

千自開德府西渡河會合水寨義兵一萬人與薛廣接濟相為聲援七月二十八日詔賜河北西路招撫使張俊章服遣行以京畿兵三千於大名府置司一面遣官於河北西路告諭招撫山寨首領民兵候就緒日渡河先復濟衛懷州真定府次解中山府等處圍二年五月八日陝西諸路帥臣東京北京留守司京東等處奏報金人渡河分頭出沒攻圍虜掠詔韓世忠問勅各領所部人馬去京西攻討令東京留守宗澤差楊進等諸軍相為應援十月十二日金人渡河攻開德府不破往濮州攻城詔差御營使司統制官張俊領所部兵由京師前去開德府差統制官韓世忠領所部兵由徐州前去

東平府迎敵先差河外總管見屯住冀州馬擴領所部兵與張俊韓世忠互相應援既而議者謂張俊為中軍統制不可遠去留俊差統制官范瓊由京師前去開德府三年十二月二十二日詔起復檢校少保武勝定國軍節度使兩浙西路制置使韓世忠前軍駐青龍鎮中軍駐江灣後軍駐海口四年正月三日詔韓世忠見駐軍華亭江灣將所部前軍往建康鎮江平江府湖秀州以東等候金人北歸率衆邀擊盡死一戰五月二十七日御營使杜充都統制岳飛言親提重兵至建康府與金賊戰聞追殺過江收復了當其生擒到偽知深陽縣事渤海大師李撤八千戶留哥及女真漢兒等使臣申

解前去詔除李徹八等處置外餘漢兇分與諸軍收管
六月二十一日詔金賊見在江北滁和真州天長軍
六合下寨見遣發劉光世張俊提領大兵前去措置掩
擊外令鎮撫使趙立會合淮南諸鎮協力措置出奇邊
擊務要速成大功如立到功效當不次推恩八月十五
日詔金賊人馬於真揚州界出沒及將滁和舟舡出江
不測南渡令劉光世前去鎮江府分遣官兵於江岸張
耀兵勢過為隄備及會合淮南諸鎮軍兵併力連擊十
九日詔金人已犯揚州必侵承楚令岳飛率兵腹背掩
擊及令劉光世遣兵渡江應援淮南州軍無失事機九
月三日兩浙西路安撫大使兼知鎮江府事劉光世言

遣發統制官王德等將帶軍馬前去揚州以北討殺金賊新破諸鎮其志正驕必謂我兵不敢渡江若連夜徑去出其不意決成大功又別遣奇兵由天長路張耀兵勢多方疑之王德等於八月二十四日早渡江次日兵過邵伯逢賊夾河下寨王德等突騎先至敗賊殺三千餘人拖掣入水莫知其數活擒汝真契丹燕人簽軍等四百餘人復奪被虜人民二千餘人並放歸元來去處詔令劉光世將擒到金賊四百餘人押赴行在六日詔訪聞金賊尚在承楚盤泊未有歸意竊慮賊情狡獪別有姦謀窺伺通泰令劉光世多遣精銳軍馬渡江令督責王德等進兵掩擊仍令岳飛趙立王林犄角相應併

力勦殺逼逐渡淮南界並無金人方得勾回人馬仍遣使臣深入賊寨體探賊情進兵次第日具申樞密院十一日光世奏探得金賊到楚州界被楚州已填合河道舟舡不通却於承州以北別尋河路入淮北道詔令光世選精銳軍馬渡江前去會合諸鎮併兵掩殺務要速成大功如擒獲龍虎大王白身與補觀察使有官人取旨優異推恩不次陞擢繼詔光世督王德等費勇士卒乘勝進兵務成奇功仍將逐次出戰立功人疾速開具聞奏十月三日樞密院據報金賊見為楚州及淮北有生兵前來接應推般對樓船車洞子填壘壕塹連夜攻打詔劉光世雖已遣王德等軍馬渡江前去緣見與承

州賊馬相拒未能直抵楚州仰光世親率大兵渡江由
天長軍西路徑抵楚州仰會合諸鎮軍馬務要成功及
郭仲威雖遣統制官楊望等部兵會合即不見仲威躬
親前去仰郭仲威岳飛王林火急親率軍馬前去會合
併力討殺稍失事機當重作施行二十一日令樞密院
差使臣二人督促張浚令提闕陝銳旅疾速入援十二
月二日詔令知鄂州高衛總率張用宋戡等軍馬疾速
前來江州應援如能解圍其張用特與除正任觀察使
宋戡除橫行進郡其餘將佐等當議優異推恩 紹興
元年正月二十八日浙西安撫大使劉光世奏據被虜
人稱隨金賊監軍龍虎離秦州前來到橫塘二十日晚

聞得江南渡人馬三晝夜其金賊復回攔馬營下寨詔劉光世極力措置隄防如遣兵追襲務保萬全無速近功却致落賊姦便仍日具探報動息入斥候鋪飛申樞密院二月十七日江南東路安撫大使呂頤浩奏奉親筆處分已遣張浚部領陳思恭岳飛等全軍人馬相繼進發張浚已除江淮招討統率大兵前去討賊候張浚到江東令與臣約日於饒州或本路其他州縣各量帶人兵會合計議從之三年四月二十七日樞密院奏韓世忠除淮南宣撫使泗州置司所有預支半年糧二十八萬石已於平江及常秀支撥伺候韓世忠舟艍到來裝發及差倉部郎官孫逸前去監督其軍須專委都

督按月應副詔韓世忠忠誠體國能任大事仰疾速進
發或先遣輕兵夾淮屯駐全軍相繼起發毋失機會所
有糧運分委近上將官統押舟舡接續裝發前去 五
年正月二十四日詔陝西等處官吏軍民皆係國家赤
子昨緣金賊逼脅遂陷偽邦蓋非得已應歸降人不得
殺戮仰與存卹戒諭諸頭項官兵所至陷偽州縣城寨
官吏軍民各先宣導朝廷德音務在以恩信招撫使之
懷來非因犯抗拒不得輒行殺戮如有歸降之人不得
奪取衣物鞍馬及加傷害致失人心仍多方存恤照管
無令失所其招撫到人並與擒獲人一等推恩如人數
稍多仰保明申樞密院取旨優異推恩令宣撫司出榜

曉諭二月十四日淮南西路宣撫使劉光世奏偽齊賊
馬犯光州已遣統制官王德新等軍馬渡江前去追
截掩殺及過淮收復州軍詔為地官吏軍民皆國家赤
子仰光世嚴切戒約所遣軍馬務在推布德意多方撫
存非因拒捍不得少加傷害 閏二月六日川陝等路
宣撫使吳玠奏金賊元帥四太子都統皇弟郎君撒孛
喝等領步騎十餘萬衆至殺金平與官軍對壘劄寨前
來衝撞官軍血戰三十餘陣殺死賊兵不少賊衆再來
分番攻擊官軍用神臂弓砲石併力捍禦殺死金賊甚
衆統制官田晟遣兵追趕入寨又四太子親擁甲軍分
頭一擁前來立攻營壘官軍與賊血戰殺退賊衆金賊

不住別添生兵分番緊攻約五十餘次賊勢轉加厚重
玠遣統制吳璘領兵邀擊蕃賊兵大敗官軍追殺至賊
寨門殺死金賊甲兵并酋首莫知其數又發遣將兵及
分頭劫動賊寨併力復來迎敵統制官吳璘田晟楊政
鼓率將兵用命鏖戰殺賊衆死傷無數其賊退却終
未退回探得別蓄姦謀欲遣軍馬於白水七方閣等路
衝突入川玠密遣將兵於賊寨後別置火寨搥鼓發喊
進逼賊寨及別遣銳兵攻破四太子皇弟郎君大寨賊
首尾不能相救連夜遁走玠續發同統制王浚帶領軍
馬追襲痛行掩殺據王浚申前去鳳州分兵邀擊賊兵
追趕一百餘百累獲勝捷前後生擒千戶等及捉到活

人斬獲首級奪到金鼓旗幟器甲鞍馬不可勝計 三
十一年十月詔契丹與我為二百年兄弟之國頃緣姦
臣誤國招致女真彼此皆被其毒朕既移蹕江南而遼
家亦遠徙漠北相去萬里音信不通今天亡北虜使自
送死朕提兵百萬收復中原惟爾大遼豪傑忠義之士
亦宜協力乘勢殲厥渠魁報耶律之深讎將來事定通
好如初命吳璘為陝西河東路招討使劉錡為京畿淮
北京東路河北東路招討使成閔為京西路河北西路
招討使楊存忠為御營宿衛使主管馬軍司公事成閔
兼鎮江府駐劄御前諸軍都統制淮南東路制置使京
東西路河北東路淮北泗宿州招討使李顯忠為淮南

西路制置使京畿河北西路淮北壽亳州招討使依前
建康府駐劄御前諸軍都統制吳拱為湖北京西路制
置使京西北路招討使依前鄂州駐劄御前諸軍都統
制詔曰國家以金人不道棄信渝盟遂至興師本非得
已指揮諸將所到先問百姓疾苦除以官庫金帛給散
將士外不得燒毀屋舍殺戮平民劫奪資財虜掠婦女
其應干非法科歛役使殘酷不使事件害及吾民者日
下除去見作奴婢之人並與釋放如豪傑忠義之士能
據一縣迎降者即與知縣以一州降者與知州以一路
降者除安撫使其集合義兵自効者並優補官爵加別
任使為女真奴婢能擒殺其本主者便與其主在身官

職仍以本戶田宅錢物盡行給賜朕念中原赤子及諸國等人久為金虜暴虐役使科歛或世為奴婢已無生意又指吾舊疆百姓為宋國殘民蹂藉殺戮無所顧惜朕聞之痛心疾首是用分遣大軍諸道並進以救爾于塗炭想聞王師至必能相率歸順朕不惜官爵金帛以為激賞若係有官之人並依見今元帶官職更不致減其有以土地來歸或能攻取城邑除爵賞外凡府庫所有盡以給賜朝廷所留惟器甲文書糧草而已如女真渤海契丹漢兒應諸國人能歸順本朝其官爵賞賜並與中國人一般更不分別內地人昨被發遣歸國者蓋為權臣所誤追悔無及今雖用事並許來歸當優加

爵賞勿復疑慮朕言不食有如皎日是月十四日知均州武鉅招納到北界忠義歸朝人巡檢杜海皆朝等二萬餘人并老小數萬口殺到金人首級并捉到活人共二百餘人十六日御前諸軍都統制王權遣統領姚興於廬州北地名定林見陣活捉女真鶻殺虎十八日武鉅遣總轄民兵荀琛將官李元收復鄧州十九日吳璘遣右軍第二將正將彭清副將強英左軍第二將副將張德等攻破隴州方山原二十二日武鉅遣巡檢趙伯适收復浙川順陽兩縣招納到忠義歸正人候進等共一千餘戶十一月一日御前諸軍都統制戚方遣將官張寶收復蔣州 金賊蕭安撫等部領人馬七千餘人於

十月初四日攻蔣州至是收復 七日西河州床州知
寨張彥忠收復蘭州招收到北界熙河路蘭州千戶王
庠同招撫部押軍馬魯孝忠率蘭州漢軍民投拜本州
偽官女真安遠大將軍蘭州刺史溫都烏七等首首以
不肯投拜遂戮之八日金房開遠州駐劄御前諸軍都
統制王彥遣統制任天錫郭湛收復豐陽商洛兩縣攻
破商州捉到偽知州金人昭毅大將軍完顏守能權同
知商州武騎尉馬彥金人千戶信武將軍渾達并男子
斤金人涅合番人楊大首金人阿羅金人安遠大將軍
阿華并男六三番人劉春金人高婁石高受僧望宇通
事郭十一李全部落子食糧軍一千餘人十一日侍衛

軍馬司中軍統制趙搏收復蔡州殺死總管楊萬戶十
三日江淮荆襄參謀軍事虞允文奏虜兵七十餘舟運
達采石南岸遣步軍統制時俊先登軍皆殊死鬪俘斬
既盡而戰江中者蒙衝相擊虜舟多平沉死者數萬岸
上之尸凡四千七百餘人射殺萬戶二人服紫茸線甲
紵絲袍生獲千戶五人女真五百餘人十七日戚方遣
統制李貴統領官張成忠義總首孟俊收復順昌府武
鉅收復魏州盧氏縣二十一日王彥遣發將兵會合忠
義官辛溥收復朱陽縣捉到正女真蕃人女人并招降
到縣令奉議大夫劉楫高酒都監供奉班祇候王元賓
及收復魏州十一月二十七日虜主完顏亮被弒

管侍衛馬軍司公事張守忠將帶精銳官兵五千人前

孝宗紹興三十二年七月十九日

元末詔王

去淮西同王彥王之望措置邊備 八月十五日張守
忠奏得旨令本司諸軍人馬起發往巢縣屯駐應副緩
急使喚今來已是秋涼水脈減落道途通行正是防秋
之時諸探報不一詔令八月下旬擇日起發九月十二
日江淮宣撫司奏已是秋深乞撥甲軍前來揚州駐劄
詔令殿前司左軍全軍馬軍司於前軍左軍內各差二
千五百人令劉源統押步軍司差五千人並前去揚州
屯駐聽江淮宣撫司使喚 十月四日樞密院言已降
指揮捧日天武四廂都指揮使李橫令襄陽府發赴行
在未到聞據虞允文劄子乞分李橫一頭項假以官軍
使同忠義人進發詔從之 八月詔令張守忠統轄三

司人馬聽江淮東西路宣撫使張浚節制 二十二日
張浚奏殿前司今月十三日得旨更候十日起發乞從
令如期應副差使詔令殿前司疾速催督起發不得住
滯 二十四日主管殿前司公事成閔言得旨令本司
於已差出戍人內選差一萬人前去鎮江府屯駐令欲
差前軍與某選鋒通共一萬人起發前去從之 孝宗
隆興元年三月二十八日詔步軍司軍馬可改差統制
李福統押起發前去其魯安仁依舊在寨管幹 四月
三日詔遣殿前司右軍統制閻德統轄殿前步軍司人
馬前去聽張浚節制 十月八日詔令殿前司於護聖
馬軍差一千人騎步軍差入隊二千人不入隊一千人

往江淮都督府令內庫支犒設月半起發十日殿前司
申恭依差撥外有馬軍一千人騎合用不入隊僦人一
千人打請草料照管養馬乞依數貼差前去從之十二
日詔已差發護聖軍人馬且令於鎮江府屯駐 二年
七月二十四日詔令步軍司郭振全軍人馬於八月上
旬擇日起發前去淮東屯駐 九月八日詔殿前司軍
馬可令常作準備不測起發十九日詔殿司護聖馬步
軍神勇軍策選鋒軍前後右軍人馬並行起發候到令
淮東宣諭使錢端禮差殿前司前軍先次往揚州右軍
往真州屯駐其餘軍馬並於鎮江府聽候朝廷指揮劉
實除魏全邢福下兩將軍兵在盱眙屯守外其餘全軍

並令在楚州并清河口淮陰洪澤留屯陳敏軍依舊屯
守高郵遇有警急令陳敏自將兵千人往楚州就劉實
同共守禦候事定日還任如盱眙人少更令劉實相度
那撥增戍郭振步軍司全軍令拘收並在六合揚州孫
于瓜洲劉端人馬候令采差撥殿前司軍馬到日歸劉
實軍如分屯去處人數多寡更切量度事勢輕重一面
增減分合備禦 二十三日郭振奏據魏全申准招撫
使劉實差管轄軍馬日下起發前來清河口防捍全已
於今月十八日起發前去訖契勘虜人十五日交割泗
州之後日有增添人馬竊料虜人既以重兵壓境必有
窺伺侵犯之意正要多備人馬以防不測衝突况泗州

昨來無事之時尚差陳敏一萬五千餘人魏全三千五百餘人在彼防托令來虜人對境屯泊重兵却蒙遣陳敏往高郵魏全往清河獨臣在盱眙軍竊恐緩急枝梧不前詔令劉寶部押陳敏魏勝於楚州專一措置清河口盱眙軍一帶仍分差主兵官前去盱眙軍體度備禦郭振侯劉寶軍到即回六合二十五日錢端禮言契勘盱眙軍近有郭振帶到三千餘人緣清河口像是控扼緊切去處劉寶乞抽回魏全一軍郭振見在盱眙彈壓乞候殿前司人馬到日分撥二千人往盱眙替回郭振官兵依舊六合屯駐所有盱眙取天長路至揚州兩日可到最為衝要與高郵地里相關合專委陳敏措置

防托已行下郭振且去盱眙指揮下日遣發殿司人馬
前去方可起發却回六合及令陳敏專一措置天長守
備詔令劉寶遵依已降指揮全軍守把清河口并差官
往盱眙屯駐緣近來淮西探報事宜稍重令郭振日下
回六合陳敏將帶人馬前去天長候殿前司前軍到揚
州令王琪先差撥三千人抵替陳敏往楚州同劉寶魏
勝備禦楚州盱眙軍一帶其餘不可待報事令錢端禮
一面隨宜施行 十一月十五日詔虜兵侵犯淮南將
士暴露朕念之坐不安席食不甘味今月十六日當避
正殿減常膳 十二月二十四日樞密院勘會三衙官
兵見屯戍兩淮詔令殿前司官兵先次班師步軍司節

次起發 乾道元年正月十一日詔諸軍已班師楊存
中令赴行在奏事 四年十一月五日詔殿前司差撥
兵將官統押官兵三千人先次起發前去揚州權聽王
任節制 九日護聖步軍統制兼知楚州左祐言得旨
將帶本軍官兵三千人候至揚州且於寨屋安泊逐旋
摘那前去楚州屯駐不得張皇竊見彼處目今正是盜
賊出沒竊發之時若候所差人兵到來委是遲緩有失
枝梧欲乞於揚州本司策選鋒軍更戍官兵摘差二百
至三百人內馬軍一百人騎逐旋起發至楚州權暫聽
祐使喚候本部人兵到日將借過人馬依舊發回揚州
庶幾不失事機從之 十四日詔護聖步軍差出揚州

更戍三千人令令月十五日二十五日十二月五日分
作三次起發 十二月十三日左祐言將官褚淵管押
第一次起發一千五十人已於十一月二十六日到揚
州安泊賊兵雖已潰散深恐尚有餘黨緩急嘯聚本州
地居極邊抵接對境乞將褚淵一千五十人先次移那
前來楚州屯駐庶幾邊郡有以彈壓不致疎虞從之

五年六月二十三日詔令殿前司於神勇見在寨人內
差撥四千人馬四百疋選差統領一員部押前去江州
屯戍權聽池州都統王明使喚候秋涼日起發 六年
四月二十五日詔令殿前司於選鋒軍內差撥三百人
策選鋒軍差二百人馬軍司中軍差三百人步軍司中

軍差二百人建康府都統司差五百人赴江州王明軍使喚並安全隊強壯入隊之人不得以老弱不堪披帶人充數 九月六日詔令殿前司遣發遊奕軍全軍人馬并忠銳軍見管寄招軍兵並令遊奕軍統制官統押前去高邦軍屯守聽陳敏節制 開禧二年五月七日內降詔曰天道好還蓋中國有必伸之理人心助順雖匹夫無不報之仇朕丕承萬世之基追述三朝之志蠶茲逆虜猶託要盟朕生靈之資奉谿穀之欲此非出於不得已彼乃謂之當然衣冠遺黎虐視均於草芥骨肉同性吞噬劇於豺狼兼別境之侵陵重連年之水旱流移罔恤盜賊恣行邊陲第謹於周防文牒妄形於恐脅自

處大國如臨小邦迹其不恭姑務容忍曾故態之弗改
謂皇朝之可欺軍入塞而公肆創殘使來庭而敢為桀
驁洎行李之繼遺復慢詞之見加舍垢納汙在人情而
已極聲罪致討屬胡運之將傾兵出有名師直為壯而
况志士仁人挺身而竭節謀臣猛將投袂以立功西北
二百州之豪傑懷舊而願歸東南七十載之生聚久鬱
而思奮聞鼓旗之電舉想怒氣之焱馳噫齊君復讐上
通九世唐宗則恥平報百王矧吾家國之冤接於耳目
之近風宵是悼涕泗無從將勉輯於大勳必允資於衆
力言乎遠言乎邇孰無忠義之心為人子為人臣當念
祖宗之憤益勵執戈之勇式對在天之靈庶幾中興舊

業之再光庸示永世宏綱之猶在布告天下明體至懷
四月二十六日鎮江武鋒軍統制陳孝慶率諸軍渡
淮攻泗州射退城上番軍鼓衆登城搏戰生擒番軍三
十餘人遂復泗州 二十七日忠義人孫成等克復蔡
州褒信縣 二十八日歸投人彤宣終明并北界部押
官成潤等結集莊民五百餘人迎光化軍忠義統領成
表等軍同為鄉導克復順陽縣 五月二日統制淮西
軍馬卞興克復虹縣 同日忠義石賈賢楊榮等二十
二人糾集其衆攻蘄縣縣人王貴劉允實楊榮蓋就等
登城開門迎石賈等入城遂克復蘄縣 三日馬軍司
後軍統制知濠州田俊邁率所部兵渡淮四日池州都

統制郭倬兵繼之是日鍾離縣民兵統領曹智通衛道
吳達等率兵克復靈壁縣六日主管侍衛馬軍李汝翼
兵渡淮八日俊邁兵至蘄縣十一日倬兵繼至十二日
倬俊邁引兵趨宿州虜遣騎迎戰俊邁與倬麾下將孟
思齊合力敗之於西流村十五日至宿州城下治攻具
翌日攻城不克十七日黎明虜出兵來戰我師敗之虜
退入城中至暮汝翼兵至十九日虜又出兵城西大王
湖木林中來戰已遽退歸汝翼等復鼓衆攻城不克二
十日俊邁及倬汝翼所統兵以久雨糧不繼潰去者甚
衆二十一日虜出騎三千來攻其夜倬汝翼俊邁率軍
退屯蘄州至西流村復為虜邊擊多所殺傷二十三日

虜兵圍斬縣我師勢不敵虜乘勝登城焚城北門縣治
倉庫等倬等戰不利兵多死是晚倬汝翼受虜偽書使
人執俊邁送虜軍虜既得俊邁即鳴金斂兵北歸其夜
倬汝翼引餘衆南還是役也兵初渡淮三帥所統合部
騎民兵幾三萬人倬汝翼孱懦無謀兵無鬪志又值連
雨器甲爛脫弓矢皆盡所至水潦橫溢糧食不繼軍還
潰亂不整士卒多奔散至靈壁兩軍所存纔五千餘人
而已先是俊邁知濠州管遣忠義人吳忠等入北界結
從邁常遣人抄畧彼界殺人奪其鞍馬橐馳等故虜和
俊邁名喜久至是倬等受虜偽書其語謂能執送俊邁
則開以生路免萬人性命倬等愚怯信之用其帳下余
未嘗計詐作請俊邁議事逆據衆圍簇俊邁奪其馬及
佩刀亮整等相與執縛送虜審倬汝翼尋送詔獄鞫
得其實倬伏誅餘人論罪有差詳見特用刑門此據郭

俾獄業珍入錄欲見事實首尾全備九日建康都統兼
故不嫌與後遺所書月日小有失次

知廬州李奕申初三日分遣統兵將官領兵三處攻取
壽州內北圍樓人登雲梯已及女牆城上插木石頭草
火一時俱下軍人姚旺冒死而進騰下中槍而退既而
火石愈甚恐有傷損不免收兵等第支犒仍即躬巡營
壘逐一撫勞至晚復具雲梯五十座於初四日併力攻
取分布雲梯一時俱上弓弩齊發射中虜人無數緣城
壁陡峻矢石如雨積草縱火難於向前虜傷士卒過多
兼烈日中人力易疲又恐虜人別有援兵遂收兵養銳
別圖進取詔李奕應隨行軍馬先次添發於壽州策應
戮力攻取如建康知州人馬已到安豐軍更行調務要

必獲勝捷仍撫勞將士一面喝轉官資多設方畧早遂
收復中傷官兵先與存恤支犒 十五日知隨州雷世
忠部領軍馬克復唐州管下湖陽鎮 二十六日江州
左軍統制許進統率所部軍馬到蔡州克復新息縣
六月六日詔趙淳皇甫斌各將帶所部軍馬併力守禦
襄陽邊面不管稍有疎虞仍令鼓輅除合存留看守金
州寨柵守把閩隘官兵外斟量將帶所部軍馬星夜躬
親前來襄陽軍前同共捍禦或虜人不測前來衝突各
仰乘機進取毋致落賊姦便以知襄陽府江陵副都統
制兼京西北路招撫副使皇甫斌申五月二十二日知
隨州雷世忠統馭軍馬過三家河趕逐金賊掩殺不知

其數二十四日早有唐州虜騎約五千人與世忠對壘
交戰不期番軍續添生兵將軍馬衝突潰敗令探聞虜
人盡發重軍趨鄧州欲犯襄陽其襄陽根本之地正要
捍禦闕防除已存留兩軍官兵守把襄陽外令將所帶
軍馬且歸樊城經畫守禦故有是命 十一日知襄陽
府江陵副都統制兼京西北路招撫使皇甫斌申昨調
發民兵攻取唐鄧二州繼遣大軍策應不謂大軍進發
未到民兵恃勇直前斌遂再遣知隨州雷世忠知鄧州
王宗廉知信陽軍李興宗并江鄂兩司統制馬謹馬全
王彥嚴江統領雍政等將大軍佐佑民兵魚貫而進自
五月十二日起發之後大雨幾旬既取湖陽進距唐州

南十五里三家河阻水不前虜兵亦臨河相持雨霽水
落世忠等射退虜軍乘勝渡河直抵城下大敗虜賊遂
北過唐州回軍攻城明日虜騎四合且戰且卻諸將扭
於既勝遂唐太深生兵四集我兵不加遂至潰散死傷
甚多所失器械十幾七八若將失利之兵只於襄陽再
行整齣卒未可復戰今探聞虜兵又過鄧州窺伺襄陽
反欲侵軼吾境除留二千人守護襄陽外弒一面躬親
前來樊城提督捍禦鄧州軍馬就行整齣唐州失利之
兵詔皇甫斌特降三官仍先次措置招集整齣軍馬葺
治衣甲器械同趙淳守禦邊面不得輒分彼此常切過
為隄備毋令虜人稍有侵犯尋詔斌更追五官送南安

軍安置以宣撫使薛叔似言斌威令不立以致敗衄難以復統襄漢之師故也 二十一日詔泗州雖收復緣諸路尚未奏功所有泗州可與不可堅守令宣撫疾速措置條具聞奏 繼而江淮宣撫使邱富畫一條具言一泗州之守猶前日宿壽之攻也雖攻守異勢然見可而進知難而退宿壽惟不能知難而退使兵力疲敝故虜兵一來皆不能當遂至奔潰方其未潰可退而不退猶今日泗州可棄而不棄今宿壽悔無所及泗州豈可臨其覆轍所以當棄一宿壽奔潰之後人心至令鼓作不起猶賴淮東兵力尚完譬之左手雖病尚有右手若右手又病則為廢人故淮東之兵不宜挫衄則心折氣

喪復如淮西大勢不復可以枚楮此泗州所以當棄一
泗州有精兵萬六千人守將畢再遇者新立功士心畏
服虜兵若來與戰未必不勝然亦不能保其必勝則是
勝與不勝未可前知也勝否既未可前知豈可持必勝
之說傲未必勝之說故擇利而言莫若先為不可勝况
州居民盡已搬移聚於揚州今獨空城而已此泗州所
以當棄一泗州果能堅守不過得一空城如今日初無
所利萬一不守則喪失精兵將淮東所有之兵其勢自
然不振雖欲固守其能固守乎若先自棄此一城非是
為虜所奪進退自如不失勝勢又得精兵萬六千人及
更換曰連水金城之兵八千人則是淮東添二萬四千

人其為守禦豈不可恃其與坐待挫衄利害豈不相絕
設若不棄泗州虜知精兵良將皆聚於此更不謀取泗
州只於淮西徑入蹂踐則泗州迴然於淮北終亦必棄
故極而論之不得不先事而棄一連水金城之兵八千
郭倪言皆是精兵說者以謂連水金城皆在水中但有
一路通海州又謂四邊皆沮洳如此則吾兵自屯於絕
地或言此兵若退歸則其地必為虜人所守虜亦豈肯
自屯兵於絕地哉則所言之妄豈不可見一泗州合棄
係闕天下大計但當論實利害在我者便與不使其他
小利害如常情所謂不好看惡模樣之類皆不足計也
一只如海州壽皇之初固為我地又更膠西焚燒虜舟

之勝尚不能因海州得山東尺寸之地如何今日得海
州便能窺山東則是雖得海州亦無益况於邳州說則
甚易取則甚難假使得之方乃兵連禍結不可徇妄庸
之論而僥倖於萬一不待詳述而後知也一令淮西四
郡正是虜人入寇之衝創殘之餘守禦無策士氣尚未
回旋方和輯民兵乞等候招集起發雜色軍兵分布
守禦其危岌岌殆不可言豈可更望有所進取所以必
當棄泗州換回漣水金城等軍方可斬斬為自守之策
十一月一日詔令管幹殿前司職事郭果將帶精銳
甲馬步五千人前去真州駐劄專一策應兩淮 十六
日詔朕惟淮民避寇奔走失業村士乘邊戍守良苦風

宵念此寢食靡遑自今月十八日當避正殿減常膳
三年九月四日詔令步軍都虞候王處九將帶本司官
兵五千人并隨身衣甲器械前去鎮江府江上一帶往
來措置防捍江面以備策應 十月十七日內降詔曰
朕寅奉基圖適遵祖武憂勤弗怠敢忘繼志之誠寡昧
自量尤謹交鄰之道屬邊臣之妄奏致兵隙之遂開重
困生靈久勤征役省躬自咎攬涕何言第惟敵人陰誘
曠賦計其納叛之日乃在交鋒之前是則造端豈專在
我暨僭狂之已戮審迹狀之益明詎曰無詞然猶不校
况先捐泗上已得之地亟諭諸將斂戢而還蓋為修好
之階所莫不遠之復適傳來訊自我元戎海遣行人逮

茲彌歲比及反命俱述彼言庸告九廟之靈併嚴三使
之選速裝於境遲報即行凡所要求率多聽許彌既至
悃備備彈無非曲為於斯民詎意復乘於所約議稱謂
而不度彼已索壤地而擬越封陸規取貨財數踰千萬
雖盟好之當續念膏血之難腴朕方服喪禮無貳事爰
咨衆多之議更東信實之人祇務輸誠終期改聽倘求
逞之弗恤殆靡容於即安茲敷露於腹心用申警於中
外深惟暴露重痛死傷疆場耗於流離郡縣煩於供億
致汝於此皆誰之愆當知今日之師誠非得已而應豈
無忠義共振艱虞思祖宗三百年涵濡之恩極南北億
萬衆創殘之苦上下同力遐邇一心鑒既往之莫追幸

方來之有濟嗚呼事雖過舉蓋猶繫於綱常理責反求
况已形於悔艾凡我和戰脉敵從違各肩衛上之忠茂
建保邦之績繫爾有衆體茲至懷 嘉定十年六月十
二日內降詔曰朕厲精更化一意息民犬羊汚我中原
天厭久矣狐兔失其故穴人競逐之豈不知機會可乘
警恥未復念甫申於信誓實重啟於兵端故寧拂廷紳
進取之謀不忍絕使介往來之好每示固存之誼初無
幸繫之心豈謂亡故遽忘大德皇華之轡朝返赤白之
囊夕聞叛卒鳩張率作如林之旅饑既烏合驅為取麥
之師貪婪無厭僥倖嘗試宜神人之共憤亦覆載所不
容守將効忠開門而決戰兵民皆勇臨陣以爭先犀首

既殲殘黨自潰允賴蕩攘之力迄成綏靜之功然除戎當戒於不虞縱敵必貽於後患咨爾有衆永肩厥心毋忽其既退而懷苟安毋狃於屢勝而忘遠畧屬炎蒸之在後念戎役之方勞雖摧枯拉朽之非難而執銳被堅之不易視而暴露如已焚煖一朝皆好誰實為之六月飭戎予非得已諒深明逆順曲直之理其孰無激昂奮發之恩師出無名彼既自貽於顛沛兵應者勝爾宜共赴於事功苟能立非常之勳則亦有不次之賞爾其聽命朕不食言

討叛四

黎澧州蠻夷 桂陽蠻徠 儂智高 王均 陳進 王倫 雲翼軍
王則 方臘 陳通 李成 苗傳 劉正彥 范汝為 李敦仁
邵清 張琪 曹成 楊么 黃誠 楊太 周倫等

瀘州蠻夷

附 瀘南

真宗大中祥符二年八月黎州蠻為

寇命文思副使孫正辭為黎雅州水陸都巡檢使東染

院副使張繼勳內殿崇班閻門祇候侍其旭為同巡檢

使發陝西兵嘗經陣戰者付之仍令冬初到彼以春夏

瘴毒故也仍以曹利用討宜州賊賞罰格付之

先是黎州蠻擾

勳命侍其旭馳往戎瀘招撫夷人尋首罪來歸故性為

誓及衆行益并夷人復拒之率部百餘生擒其首領三

人斬首數十級而部下被傷者與二十人遂還黎州因

上言夷人解在者險未即首罪尚某從黨拒捍望發兵

三五千與近界巡檢並赴消井監誘脅令陝西轉運使

李士龍乘傳與正辭偕行給事須又以閻門祇候康訓

同管勾峽路駐泊公事時以蠻寇未寧慮施黔夔峽

夷人擾懼故擇訓泚事仍令慰撫之也 會益州上言

黎州蠻已招安外有未寧輯者望就選使臣撫諭詔梓州路轉運使滕涉及侍其旭等如孫正辭等未至第依前詔安撫衆兵勿出候發兵至彼即便宜從事 會涉至黎州有疾命屯田員外郎李士龍權領其事 時正辭以北兵不諳山川道路乃點集鄉丁目曰白芳子給兵器使為鄉導又奏請益兵帝以邊徼窮僻供億非易不許仍詔正辭等如蠻寇不受招安已經誅翦畏服勿窮追之又以丁謂所招撫夔州蠻令歃血為盟刻鉄石柱為記事付之侍其旭等招到夷人計獲行等且言得衣服紬布即率屬來歸將召至軍前按罪誅之詔有來赴招安者留之上請無得殺害如敢拒抗即進兵討伐

既而正辭等議分三路入夷境其不赴招安者多已逃
竄有蠻計引者深匿村舍即遣人就招諭之正辭等又
欲直趨清井而邛部蠻深憤瀘州夷人相殘願舉兵從
討正辭等以聞帝慮邛部蠻成功則過有覬望詔第令
其自守 三年正月詔以瀘州三月即苦瘴毒如戎人
尚未順量留兵阨其險路令孫正辭待其旭李懷岳史
崇貴自三月領兵分屯近郡又遣使以辟瘴藥馳賜之
二月孫正辭等上言安撫夷人悉已平定蠻羅忽餘等
素來忠順防援井監至今捕殺叛蠻未已即遣內侍郝
昭信齎詔諭忽餘等獎其向化因諭以朝廷已釋放無
得更有違殺又命入內供奉官史崇貴管內戎瀘州軍

馬事 時夷人雖已安靜尚有逃竄岩穴而未賓者慮

孫正辭等軍還或致嘯聚以崇首嘗使在彼頗知蠻情

故以命之 先是孫解帥兵入溪洞多焚其積聚慮六月

七月夷人復寇瀘州清井監奪益井詔以內殿崇班王

懷信為嘉眉戎瀘等州水陸都巡檢使供奉官問門祇

候康訓符承訓為同巡檢使馳往與梓州路轉運使寇

瑊體量招誘三日一具事宜驛置以聞發陝西神虎保

捷兵三千二百七十二人付之 先是孫正辭討蠻寇日

冒險先登破賊真宗記其勤即令起前至是復令名錄

懷信指使又益州禁軍忠勇二百人嘗討王均有功今

用為前鋒仍合募白芬子以為鄉導又有殿直宋貴者

嘗知江安縣刑畫溪洞事頗合機要即召遣秩復往知

縣令陳信與他城又以戎瀘瘴毒士卒多疫遣使齎藥

凡事與之同議

物賜之十一月懷信與康訓承訓等帥兵由涓井溪入夷界至斗滿村與夷人戰敗之追至屏風山每戰獲夷人首級及奪藤牌梭槍木弩諸兵器及焚其庵寨積聚糗糧奪牛羊雞犬等不可勝數又自斗引村與夷人戰殺傷甚衆追至龍峩山賊勢窘迫多投崖而死十二月康訓將壕寨兵先往涇灘峽間路會夷人至與戰訓為賊兵所傷墜崖而死王懷信等領兵赴之夷人遁去懷信等追之過涇灘山殺傷夷人甚衆未幾夷人謀攻思晏江口小寨寇賊與王懷信等部兵往禦之夷賊萬人陳於寨北山上王師與力戰殺夷人五百傷者千餘人賊遂退走六年正月賊復分三路來寇王師與

戰敗之殺傷及溺於江水而死者甚衆自是夷人挫衄各來首罪不復為寇 神宗元豐元年七月一日以瀘

州納溪夷人為寇詔西上問門使忠州團練使涇原路總管韓存寶都大經制瀘州納溪夷賊於涇州及涇原路選下蕃土兵五千內馬軍一千及差經戰鬪使臣二十員務要殄滅自來屈強村圉者若懾威與命即許自新本路兵官並聽存寶節制糧草錢帛委梓州路轉運使高秉判官程之才隨軍計置不得與軍事提點刑獄

穆珣令歸本司

先是珣言近非朝旨令婉順開諭夷人

天地之仁愛念元以見收捕蘇三七母得為以見陛下
使通納溪練水飲望遣兵職厥種類故命存實討之蘇
三七者納溪寨居氏初與難苟夷相持意斃談殿故之
夷訴于寨而江安縣檢驗其屍夷人謂漢殺我人官不

價我付備而又暴露之
於是備悉也聚為寇
十月十日韓存寶破復賊城等

十三國除歸降外並已焚蕩斬首級五百生擒百餘人

牛畜銅鼓標排器甲各千領兵赴瀘州分屯
十一月

乞弟率眾犯邊縱火掠人
乞弟知歸徠州甫望箇怒

之子甫望箇怒死乞弟承襲韓存寶之經畫羅箇夷也

乞弟嘗率兵助王師存寶許以厚賞賊徒既平存寶不

與賞故犯邊
三年四月十二日上批崎嶇山獠敢爾

跳梁雖已令邾路濟兵應援須議發兵深入討除夔州

路轉運判官程之才可徙梓州路同轉運使高秉預於

要便州縣城砦備人二萬馬五千一月芻糧十五日梓

夔路鈐轄司言本路都監禮賓使王宣等與乞弟戰于

囉牟材全軍敗沒五月二十二日命韓存寶都大經制
瀘州夷賊事聽選本將及陝西并東兵萬人自隨其義
軍弩手亦聽選擇又命內藏庫使忠州刺史湖北路鈐
轄彭孫提舉捉殺夷賊選馬步三千自求便路進討如
與韓存寶軍會聽存寶節制二十四日韓存寶言所領
正兵萬五千人依九軍陣法分隸行營四將 詔以皇
城使雅州刺史涇原路鈐轄姚兕為第一將莊宅使權
廊延路都監呂真為第二將洛苑副使兼閭門通事舍
人涇原路第五將孫咸宣為第三將西京左藏庫副使
涇原路第四將郭振為第四將 六月一日詔夔州路
轉運副使董鉞往渝州應副瀘州事留司農錢物之在

蜀者以給攻討之費二十五日詔韓存寶所領四將皆
精銳亦足辦事其彭孫所將兵可勿發七月二十七日
詔入內東頭供奉官韓永成都大經制瀘州夷賊司照
管軍馬十二月二十二日韓存寶言乞弟遣人以狀來
似有降意又恐姦謀相欺上批乞弟昨據既傷官兵又
以害王宣等朝廷遣兵必誅首惡存寶自進以來未嘗
大有斬獲今收乞弟乞降文字未知存寶且欲以計欺
賊乘便進討成果欲受降如以計欺賊乃用兵所宜若
果欲受降深非朝廷出師之意如乞弟尚能蟻聚委存
寶多方擇利掩殺如賊黨逃潰亦選兵將搜捕購募殺
獲若逗留不能成事必正軍法四年正月十六日詔成

都府路提舉司支錢二十萬緡米十萬石梓州路支錢
十萬緡供瀘州軍須七日以步軍都虞候英州刺史環
慶路副都總管林廣為都大經制瀘州夷賊公事二十
五日發府界第四將軍馬往資州以備林廣濟師又詔
彭孫取間路進討旁助林廣又命入內供奉官麥文炳
為都大經制瀘州夷賊公事司走馬承受兼照管軍馬
賊界遇軍馬會合聽廣節制三月二十七日夔州路轉
運司言乞弟首首宋阿訛最為乞弟心腹之人若果為
南平軍管下播州夾界巡檢楊光震所殺深慮乞弟必
讎報乞令林廣彭孫赴南平軍同光震協力討捕上批
令林廣彭孫悉師以往仍諭光震併力剪除七月十九

日取四方館使忠州團練使韓存寶於瀘州入內供奉
言韓永武除名配沙門島管幹機宜文字魏璋除名編
管賀州梓州路運副董鉞除名 存寶自至瀘州兩月
餘進兵不過二百里但常令偏裨與夷賊接戰又擅遣
諭乞弟投降不候朝旨退軍逗撓怯避求式與存寶符
同詔遣侍御史知雜事何正臣鞠存寶等至是併以戰
屢敗罪之故有是命 二十八日林廣言阿生等送乞
弟降狀未肯身至瀘州詔中書降勅榜許令投降貸死
仍密指揮林廣候乞弟降日押赴闕八月一日詔付林
廣勅榜曉諭乞弟令朝廷再命將帥總領大兵至夷界
進討慮旁近生夷部族元非入寇之人橫遭誅戮許乞

弟出降當免罪如乞弟執迷如故即行誅戮三日詔差
梓夔路鈐轄高遵治副貳彭孫同提舉捉殺瀘州夷賊
九月二十六日詔乞弟送降狀前後反覆必無降意但
願遷延月日以款師期令林廣相度降去勅榜如未可
分付更不須齎送速進兵平蕩十一月十九日詔林廣
今已深冬若更涉春天氣漸暖烟瘴霖雨轉難窮討巢
穴或遷延未了即兩川不免騷擾令林廣宜速進兵五
年二月四日詔昨興師誅乞弟今既蕩平巢穴即與擒
捕乞弟同功其使臣軍兵等除留伐外餘各遣歸林廣
候措置新立堡寨畢還本任 初廣失乞弟於納江去
年十二月十九日也軍十萬皆無人色官吏噓嘿不食

乃令進寨追賊軍行無日不雨雪刁斗無聲庚辰次老
大人山山形皆劔立次黑涯然桂為薪上鶴飛不到山
正月己丑乃次歸徠州軍皆凍墮指留四日求乞弟不
得麥文昞問廣軍事當如何廣曰己如朝旨蕩賊巢穴
雖不獲元惡亦班師待罪文昞乃云去年六月所受密
詔云將來大兵深入討賊期在臬獲元惡如己能破其
巢穴及城守要害雖未得乞弟萬一糧道不繼亦聽班
師軍中皆呼萬歲曰天子居九重明見萬里外乃定計
班師是日癸丑次江門自納江之役暴師凡四十日乃
築樂共城江門寨梅令山席帽溪堡西達消井東通納
溪上下底逢堡已在腹中矣皆苗時中程之才為韓存

賈先是畫策也

桂楊蠻徭

仁宗慶歷三年九月湖

南轉運司言桂楊監蠻徭內寇詔發兵捕擊之至十二月幾千人寇邊詔轉運使郭輔之等徭賊如未能討除即就便招撫之明年六月詔潭州劉沆招諭桂楊監蠻賊有首陳者並與等第推恩沆奉詔招二千餘人使散居所部五年二月復內寇擊敗之是冬潭州劉夔言桂楊監蠻人唐和等比經禮賓副使胡元敗後益聚衆生疑恐轉為邊患乞降空頭宣命十道欲行招安與補逐處溪洞首領從之六年四月劉夔言捕擊徭賊唐和于銀江原敗之十月知桂楊監宋守信言徭賊唐和嘯聚千餘衆為盜五六年朝廷不許窮討以致未能平殄今

衡州監酒黃士元頗知溪洞事欲選取戰士二千引路
土丁二百優給錢帛不以遠近使逐捕之仍令本路鈐
轄开贊等合力以前其賊勢既窮必有投降之心從之
又遣三司戶部判官崔嶧往詢將吏討除招安之策至
七年五月廣南東西兩路轉運司言唐和令其子執要
領願貸糧米居所保洞中請令荆湖南路鈐轄楊畋趣
赴連詔州山下共告諭將器械送官及以親屬為質即
與補為洞主仍請元給誥下本司朝廷許之乃補唐和
盤知諒戾承映承泰及文運等五人並為銀青光祿大
夫檢校國子祭酒兼監察御史武騎尉充洞主徃賊遊
平 儂智高 仁宗皇祐三年春廣源州蠻儂智高入

寇詔同提點廣南東路刑獄公事李樞知桂州陳晚同
捕之仍令轉運鈐轄司發兵應援命知潭州余靖為廣
南西路安撫使知桂州起居舍人直史館楊旼問門通
事舍人曹脩並同廣南東西路體量安撫經制盜賊又
命余靖經制又以新知秦州孫沔為荆湖南路江南西
路安撫使入內內侍省押班石全彬副之詔沔等若軍
中須人任使聽於江南東路抽差踰年賊未就誅四年
九月乃命宣徽南院使彰化軍節度使狄青為荆湖南
路宣撫使都大提舉廣南經制賊盜事以延州東路都
巡檢使孫節涇原路都監竹島為荆湖南北路駐泊都
監安肅軍駐泊都監時明移郢州權霸州駐泊都監王

用定州軍城寨監押何貴定州都總司指使李守恩並
為押隊指使皆青所請也詔兩路將佐並從青節制五
年二月青領兵至邕州陣于歸仁鋪賊皆執大盾標槍
騎將孫節為前鋒死之青起麾所帶藩落兵張左右翼
出其後急擊大破之智高遁去詔狄青梟黃師宓等首
于邕州城下以其餘築京觀于歸仁鋪 王均 真宗
咸平三年正月一日益州駐泊軍士害兵馬鈴轄鳳州
團練使符昭壽椎所部神衛都虞候王均為主遂知州
牛冕等奔漢州都巡檢使西京左藏庫使劉紹榮沒于
賊詔以戶部使工部侍郎雷有終為瀘州觀察使知益
州兼川峽西路招安捉賊事御厨使李惠洛范使入內

內副都知秦翰洛苑使富州團練使帶御器械石普供
備庫副使李守倫並為川峽路招安巡檢使給步騎八
千命往招討又以洺州團練使新知青州上官正為峽
路都鈐轄內殿崇班王既高繼勳並為崇儀副使益州
勳泊都監供奉官閻門祇候孫正辭為諸州都巡檢使
初昭壽殺朴軍士過當由是神衛軍卒趙延順等八
人謀害之而未發會有中使自峨眉山還京昭壽戒馭
吏具鞍馬將出送之無何馬逸庭中延順等乘譖謀之
際率其徒登廳害昭壽出據甲仗庫都監王澤聞變召
本軍都虞候王均率兵擒之延順見均至率眾迎奉推
而為師本軍指揮使孫進不從亟殺之餘兵及虓猛威

武兵悉合而為亂 三日陷漢州遂起綿州攻之不下

直抵劔門

先是知劔州李士衡以州城難守即運貨歸劔門焚其倉庫十三日均至劔門士衡與

餘路兼臻擊敗之

知劔州楊懷忠會鄰州及巡檢兵又調鄉丁

以十八日入益州燒于城北門至三井橋均猶未至為

逆黨威棹小校崔煦等所拒懷忠還本部二十七日均

至益州三日賊將趙延順攻邛蜀為懷忠所敗是月雷

有終至石普先與綿漢巡檢張恩均復漢州進壁昇德

橋十四日賊來攻王師與戰敗去十七日賊開門偽遁

有終等率兵徑入賊伏發官軍頗遭殺傷有終等緣堞

而墜李惠沒馬遂退保漢州均盡脅蜀中士民僧道以

為兵三月官軍進收彌牟寨斬首千餘級復抵昇德橋

四月大敗賊衆賊遂撤橋塞門官軍進至清遠江為浮梁而渡築壘於城北門造梯衝攻其右普專王之益州都監高繼勳巡檢張照孫正辭攻城東峽洛鈴轄李繼昌益州都監王旣攻城西楊懷忠與巡檢馬貴攻城南賊將趙延順中流矢死賊又遣其黨丁重萬來拒亦射殺之官軍每攻城多阻霖雨城滑難上未幾秦翰至與有終等協謀於城北魚橋上築土山八月牧羊馬城遂設敵棚覆洞車進逼羅城九月二日焚其敵樓穴城為道賊亦築月城自固三十日官軍由地道入焚賊望櫓礙架至夕賊衆由南門而遁王均奔富順監即遣楊懷忠追賊後二日石晉繼往秦翰亦至陵州是月一日

斬均於富順監傳首至益州梟於市 陳進 真宗景

德四年七月宜州澄海軍校陳進率本部辛害知州劉

永規洎監押國鈞擁判官盧成均為帥嬰城拒命詔以

東上閭門使忠州刺史曹利用供備庫使賀州刺史張

煦為廣南東西路安撫使如京副使張從古內殿崇班

張繼能副之虞部員外郎薛顏同勾當廣南東西兩路

轉運使先是永規在邸嚴黜課澄海辛伐木茸州廨數

怨謀亂初奏皇帝謂掌臣王且等曰司天監屢上占候

言當有兵方憂遠地救守不得其人令果有是當遣使

前除廷議擇官且言利用精於方略悉心王事煦多邊

任尤熟用兵從古請知嶺外山川險阨繼能勇敢可任

然其智識必不及此但慮為人誘殺爾又遣入內高班

內品于德潤馳驛將詔諭賊中能束身自歸者並釋罪
所至倍加安撫將士務令整肅無得妄傷平民焚蕩問
舍蹂踐田畝立功者所在以官物給賜即時遷擢便宜
從事諸州官屬如賊至所部能規畫擒戮者厚加酬賞
隨軍將校日給肴酒務於豐飲命內侍高品周文質為
廣州駐泊都監詔文質俟寇至即使近州兵與巡檢使
臣控要路以扞之發荆湖南北路先屯禁兵斬黃州虎
翼荆南雄畧等軍赴桂州閱習行陣俟利用等合勢攻
討無得先進 時廣南西路轉運使舒贛言得陳進洎
盧成均狀具言興叛之由願天恩赦罪又上宜州牌印
臣僚知其偽是夕賊衆圍抑城縣官軍衆寡不敵棄縣

保象州望發兵進討帝曰此誠詐也然進等既以此請
宜傳詔諭之如解甲歸降盡赦其罪仍加轉補 八月
詔宜融州諭溪洞諸蠻首領部分族人無得輒出疆境
搔擾邊民俟賊平日第加優賞時賊攻懷遠軍城中固
守賊退而復集者累日桂昭等州巡檢使張守榮等擊
敗之獲其器甲又攻河寨寨兵甚少監押錢吉部分嚴
整出擊走之賊再經敗衄頗多潰散衆心離矣民有自
賊中逃歸者言賊將棄城以家屬之悼耄者五百人棄
江中其衆約三千度柳象至容州固守分兵以劫廣州
其初至柳州隔江不能渡丁壯望賊潰散知州王昱即
遁去又盧成均謀挈屬歸降夜潛遁去正江見舟小復

還城中帝慮曹利用等以官軍勇銳輕視其衆即遣使以手詔諭利用等以師行遠地宜守萬全之計既而賊衆挈族處思順州分兵象州知州大理寺丞何邴率衆城守四十日賊不能下賊衆分據柳州聞官軍至桂州勢頗窮蹙乃降敕榜四十付利用等遣齋示賊衆及揭於要路其歸順免於屠戮九月官軍進趣象州賊自宜州率衆至武仙縣直抵前軍以騎士出賊左右內侍史崇貴登山大呼曰賊已走宜急殺之賊由是心動遂敗追襲至象州城下擒賊首盧成均斬偽將陳進并其黨遂平象州王師初至賊不之知惟陳進率衆來拒象州攻城者亦不之覺賊遇前軍競執標牌以進飛矢

攢鋒所不能劫前軍即持棹刀巨斧破其牌賊皆衣預
水甲操牌既破力不能支尋自奔潰軍士逐之至象州
城下賊寨依然猶有據長竿以瞰城中者盧成均遂自
賊寨挈其族執招安勅書來降餘黨黎育等與其族屬
老幼僅千人逃奔桂州知州宋希閔率僚屬出城亂避
賊遂入城焚居人廬舍經宿而去希閔乃還曹利用等
尋即招收平定馬初陳進之亂宜州指揮使陳定都頭
黃晚不從驅率先投象州欲進取此二人甘心遂引衆
攻圍誓得之乃去定等亦誓不從賊與官吏糾率城中
諭以禍福皆得其死力及事平皆優加賞擢又象州城
在高邱上素無井閉壘之日皆以乏水為慮時頗得雨

停水將竭而復下如是者兩月所停水久而澄澈汲之
以濟賊破圍解水頓臭濁賊既平詔曹利用等徧巡察
柳宜融州懷遠軍天河寨訖赴闕 王倫 仁宗慶曆
三年五月京東安撫司言本路捉賊虎翼卒王倫等殺
巡檢使朱進叛遣東頭供奉官李洸左班殿直曹元喆
韓周往彼擊之倫初起沂州安撫使陳執中遣京東都
提舉巡檢左班殿直閻門祇候傅永吉追討之倫率其
黨奔淮南所過巡檢縣尉皆畏避不敢出至揚州出兵
與閻山光寺南永吉等踵至和州合擊敗其衆歷陽縣
民張矩等得倫首級七月江淮制置發運司第其功以
聞詔傅永吉為禮賓副使兼閻門通事舍人沂州巡檢

三班借職宋璘為右侍禁門祇候指使散直長行鄭安為三班奉職差使殿侍李九臯為三班借職前西頭供奉官閤門祇候趙鼎為供奉官和州張矩為三班奉職陳明高亨並為三班借職軍校許干等遷擢者凡七人 雲翼軍 仁宗慶厯四年八月樞密院言保州雲翼軍今月五日閉城作亂先遣內侍劉保信馳往視之即命知制誥田況往州城下處置叛軍得以便宜從事以步軍副都指揮使李昭亮將其兵時方遣樞密使富弼為河北路宣撫使二府以兵官未有統領即令弼兼程至城下統其節制而再降殺榜招安仍令況等且引兵退選人入諭城中以禍福二十五日況與昭亮遣右

侍禁郭達入城曉諭叛軍縋城下者約二千餘人相次
遂開城門令楊懷敏部領軍馬入城其元造逆兵士四
百二十九人聲言令歸本營比點名入營用力搶擁大
井中並盡殺戮其傷殘軍民即撫存之於是況等上其
功五等詔並賞之 王則 慶曆七年十一月河北安
撫司言貝州宣毅卒王則久以姦教誘結郡胥牙校張
蠻卜吉輩謀叛以冬至日開城竊發囚知州張得一已
下因僭偽號立年號命官屬盡黥州民面授以軍兵守
城高陽閻路總管王信尋統本路兵傳城下乃命信為
貝州城下招捉都總管進趨攻其城降者甚衆令信等
諭軍營在城內而與為亂者並囚其家屬非為亂者常

加曉諭勿使憂疑即詔諸兵馬會其下令分部諸將攻討之又遣樞密直學士知開封府明錫為體量安撫使以節制之屢攻未克暴師潛伏叅知政事文彥博請行八年正月八月乃以彥博為河北宣撫使以經制其事仍加錫為瑞明殿學士副之彥博等親至城下日夜督將士攻城城遂陷擒其逆黨王則張蠻卜吉及其家屬等斬於都市 方臘 徽宗宣和二年十一月睦州青溪縣妖賊方臘據幫源洞僭號改元妄稱妖幻招聚克黨分道剽劫本路將蔡遵顏坦以兵五千死之勢愈猖獗二十一日陷青溪縣十二月一日陷睦州殺官兵幾千人又陷歙州州東南將郭師中戰死又陷杭州帥臣

趙霆棄城遁二十一日詔量貫為江淮荆浙等路宣撫

使譚稹為制置使王稟為統制將兵討之同日令樞密

院起東南兩將

第一將
第七將

京畿一將

第四將

前去捉殺內將

副如不係曾經戰陣人

日下差人抵替其軍兵仍差曾

經陝西出戍人於是陝西六路漢蕃精兵同時俱南下

辛興宗楊惟忠統熙河兵劉鎮統涇原兵楊可世趙明

統環慶兵黃迪統廊延兵馬公直統秦鳳兵翼景統河

東兵劉延慶都統制諸路軍馬二十四日詔二浙安於

承平不見兵革垂二百年屬者狂寇竊發憑恃山險然

念無知之人或被脅從兩州吏民或為誑誤或因逃亡

敗衄軍卒情有可矜困於無告仰譚稹量度事機曉諭

德意應千前項人及免賊眷屬并見在賊中徒伴如能
來身自歸或告言動息捕致賊黨並特與免罪一切不
問內稍有功績即優與推賞招撫止殺以靖南土三年
正月十一日詔貫稟先據潤州十九日又詔金陵乃喉
襟之要害占據江寧府守把鎮江次議討賊此其上策
時王稟已守楊子江口劉鎮守金陵童貫次鎮江賊已
陷崇德縣方圍秀州二十八日王稟辛興宗楊惟忠夾
擊之秀州平稟乘勝至錢塘二月賊陷寧國旌德縣劉
延慶却守金陵劉鎮移廣德軍楊可世赴宣州合兵討
擊十八日王稟統中軍辛興宗統前軍楊惟忠何灌統
後軍自江漲橋與賊接戰屢捷克復杭州二十七日楊

可世由涇縣過石壁隘斬首幾三千級復旌德縣二十
九日劉鎮敗賊於烏村灣復寧國縣是月福建將韓起
棄衢州賊縱火屠其城餘黨逼信州又陷處州而霍成
富求道人等用賊年號肆行剽劫東陽義烏武義浦江
金華新昌仙居剡諸縣悉為賊占三月十日楊可世劉
鎮等克復歙州王稟等進兵離杭州復富陽新城桐廬
縣十七日克復睦州時上又遣梁昶押劉光世統領鄺
延兵一千八百餘人至分討衢信賊遣史珪押張思正
統制河東兵二千六百餘人至分討台越州賊績又遣
闕弼押姚平仲統涇原兵三千九百餘人至分討浙東
餘黨四月一日劉光世兵到衢州賊出城迎戰斬獲二

千三百五十六級生擒賊首鄭魔王又戰於石塘斬賊
七百餘級生擒五百餘人凡三日復衢州乘勝進兵復
龍游蘭溪縣十七日光世薄婺州城下斬獲四千餘級
復婺州十九日王稟復青溪縣二十三日姚平仲復浦
江縣初王稟劉鎮兩路軍預約會於睦歛間包圍幫源
洞表裏夾攻至是劉鎮楊可世王渙馬公直率勁兵從
間道奪賊門嶺二十四日平旦入洞縱火為號王稟率
興宗楊惟忠黃迪望燎烟而進與劉鎮合兵賊腹背受
敵凡斬萬餘級二十六日生擒賊於東北隅石澗中并
其妻孥兄弟為將相等三十九人其餘黨散據皆以次
平蕩時江南東路轉運副使曾昇奏訪聞賊徒雖多

全少器械惟以人衆為援本路所遣官兵各持器械而
賊徒獨以數百人前後奮拳輒困官兵童子婦人在前
飾以丹黛假為妖恠以驚我師復在巢穴四向設險陰
為臨窈又為長人服大衣作闖機以動止執矛戟旗幟
飾以丹黛為鬼神之貌以惑官兵皆不足畏必得熟知
道路之人即可進入詔劄與童貫譚稹自此賊情漸露
官兵始知所向以至擒殄 閏五月十四日詔兩浙江
東路破賊去處州縣新復事合防遏撫定者非一兼處
州等處餘黨亦未盡平深慮宣撫制置司同赴闕賊
黨妄有窺度或致嘯聚唐平淮西以馬總治留務國朝
誅儂智高留余靖知廣州若宣撫司赴闕尚有殘寇譚

鎮即當留彼三兩月措置庶得保其成功八月二十四日方臘伏誅 陳通 高宗建炎元年八月十五日知鎮江軍府事兩浙兩路兵馬鈐轄趙子崧言兩浙轉運判官顏彥成報今月初一日杭州軍人陳通放火殺人闕閉城門不放出人事勢猖獗乞遣人兵前來捉殺詔令浙東安撫司浙西鈐轄司兩浙提刑司起隣近州軍弓兵并江寧府鮑貽遜所領槍杖手及今淮東安撫司摘那將兵二千人選擇將佐火急前去會合掩殺其軍兵在路委統領官以軍法部勒不得縱容作過 其逐項軍兵等到鎮江府聽趙子崧節制平江府聽趙岍節制杭州聽本路提刑司節制既而知杭州錢伯言乞令

前項諸路兵將等並聽臣節制庶得一心効力詔已到
杭州本路軍馬並聽節制 十月十一日御營使司都
統制王淵差充杭州盜賊制置使 詔令戶部應副銀
絹一萬匹兩給王淵充激賞等支用 二十九日給事
中劉珪言杭賊之變九月八日既受招安乃嬰城自守
復殺憲臣令郡寇又欲遣散鮑貽遜所統槍杖手乃就
招安願申命王淵且留槍杖手在杭州同共討捕從之
十二月八日王淵至杭州撫定訖斬陳通等一百八十
餘人 淵未至間通等受提刑趙叔近招安叔近以素
隊入城通等月餘猶不解甲故淵殺之

宋會要

李成 高宗建炎二年十九日李成叛命檢校少保奉
國軍節度使劉光世討之 成本雄州歸信縣弓手累
知歸信縣雄州失守成率其眾數萬人來歸詔授右
武大夫忠州防禦使京東河北路都大捉殺使朝廷慮
其黨太盛命分二千人在南京一千人往宿州就糧餘
眾令成押赴行在至宿州乃懷貳不進故命光世討之
四年八月一日知江州姚舜明言李成據舒蘄與江
州對壘近因使臣馬珏齎到李成文字意欲自新十一
月三日李成差人來都昌縣江南東路安撫大使呂頤
浩處下文字偽稱會合捉殺馬進人馬詔令呂頤浩審

度事勢措置掩襲仍一面勾抽王瓌全軍策應二十五日呂頤浩乞益兵討李成上曰今兵既少亟須令且持重急遣王瓌引兵助之先以賞招攜其衆許歸自新則成必易擒亦不欲多殺士衆也二十六日呂頤浩言李成賊兵於十一月一日夜劫南康軍寨遣統制官巨師古楊惟忠率兵力戰已勾王瓌全軍七千人小張俊三千人韓世清五千人前來都昌縣會合詔仰呂頤浩等務在持重若得機便可從長措置紹興元年二月二十二日呂頤浩言湖南北路捉殺使孔彥舟近勦滅叛賊鍾相欲自袁州經由前去洪州約有五萬餘人紀律甚嚴今探報李成分遣邵支一項賊馬侵犯筠州界詔令

孔彥舟疾速統率軍馬前來筠州掩殺及措置把截袁州至臨江軍一帶無分賊勢滋長侵犯以南州軍仍與呂頤浩張俊大軍約日會合二十六日李成賊馬見分三路作過一犯池州一守江州一犯筠州三月一日李成賊船前來彭澤湖口縣併兵攻犯饒州及入徽州界劫掠詔令呂頤浩與楊惟忠極力措置饒信等州一帶隄備二十二日宰執進呈江南路招討使張俊捷報上曰朕昨日退朝深思當須由赦李成軍中脅從百姓蓋李成所統雖號數萬其實皆吾民被成驅虜隨軍若設賞募人擒成其餘一切不問所全生命豈可勝計臣秦檜曰只此心可以破賊於是二十七日詔可除李成不

赦外其餘並許出首以前罪犯一切不問百姓放令逐
便軍人依舊收管有官人量材錄用如依前拒抗令張
俊一例勦戮徒中有能斬成級或縛成來赴軍前投降
者舊係大小使臣及白身與正任承宣使係舊副使以
上與節度使仍並支賜錢一萬貫銀一萬兩令尚書省
給降黃榜付張浚於賊壘附近去處遍行曉諭五月二
十五日詔遣張俊疾速渡江前去將李成賊黨日近措
置除滅盡靜候回軍日且在江州駐劄許班師方得赴
行在俊奏自三月初起離洪州取生米渡過江大破李
成賊兵收復江南州縣緣李成元有副都統領二員昨
渡江前來作過者止是副都統領馬進尚有都統領胡

選并一軍人馬止在江北李成見蘄州令共約有賊兵
十餘萬戰艦千餘隻事勢不輕自收復江州見渡江撲
滅餘黨六月十六日詔張俊已破李成可引兵復渡江
州駐劄候江湖寧靜取旨班師仍自公江東下群盜悉
行招捕拘收崔增李進彥韓世清耿進所部戰艦人兵
權暫使喚事畢遣還七月六日張俊奏李成叛逆李霄
許道計謀令舒州太湖縣已捉獲李霄大破賊衆李成
將殘黨過江遠遁令據探報引殘兵見在順昌府已見
窮蹙詔令蔡州范福淮寧李實遍諭所部將士各奮忠
勇期約掩殺如能擒獲或殺戮當依已降指揮授以節
鉞支賜錢銀以次首領比類補授有功將佐軍兵一例

不次推恩雖未能勦除但常令人馬攻擣使不能遂成巢穴亦當優異推恩今樞密院選差使臣四人原支激賞作兩番齋蠟書前去先次轉一官回日更轉兩官九月二十一日李成遠遁徒黨趙端等各帶領徒眾來投降苗傳劉正彥高宗建炎三年四月三日苗傳劉正彥謀不軌傳裨將苗翊與韓士忠兵戰于臨平南翊敗傳正彥遣兵救之朝廷命諸將皆集兵於皇城門外是夕傳正彥引兵開錢湖涌金門而出時大雨賊軍蒼黃夜遁都省發收捉苗傳劉正彥等榜下淮南東西兩浙東西江南東西湖南東西京西南北福建路諸州軍契勘賊臣苗傳劉正彥謀不軌諸路勤王軍馬於杭州

臨平鎮與賊兵接戰王師大捷皇帝已復尊位其苗傅
劉正彥引同謀人王鈞甫馬柔吉張遠王世修苗翊苗
瑀并叛兵二千餘人望嚴州路遁逃除已擒到王世修
張遠凌遲處斬外詔如生擒到苗傅劉正彥有官人與
承宣使無官人與正任觀察使如捉到王鈞甫馬柔吉
張遠苗翊苗瑀與轉七官如能斬首級亦與上件賞其
餘一行官兵將校並與放罪一切不問仰於所在陳首
出給公據發赴行在依舊收管如不願就上件官每獲
苗傅劉正彥一名支賞錢十萬貫餘人每名支賞錢一
萬貫若徒中官員將校人兵等有能斬到逐人首級亦
依此施行四日詔苗傅劉正彥下兵出清波門其路至

富陽可通徽宣嚴婺湖廣諸州軍見令逢敵潰散仰諸

郡遣將領各於界首防托如遇上件潰兵使行招安降

苗傅等數人為首其餘應干脅從人將佐使臣劾用軍

兵等本不知謀各係無罪之人限一月出首所在出給

公據赴行在依舊收管其出首輒有擅行殺戮並依擅

殺平人法八日赦文又限百日出首七日殺獲王鈞甫九日苗傅至

白沙渡所過輒焚橋梁以過王師遣統制王德助喬仲

福追討十六日苗傅等犯壽昌縣據險二寨詔令楊可

輔催督嚴徽衢信饒池州縣尉部領新舊弓手三合把

隘其縣仍聽喬仲福節制即不得勾赴軍前使

喚其逐州軍兵止令本州守禦防托十八日江浙制置

使

捕殺苗傅劉正彥之賞既重而其衆欲降者

未有賞以來之恐無以解疑詔賦衆降順人有官者遷一等兵級遷二資無官者補進武校尉十七日苗傅犯常山縣二十日命韓世忠為江浙制置使遣一軍往衢信州擒捕苗傅等二十四日苗傅屯沙溪鎮喬仲福王德助間道先入信州與統制官巨師古同討五月三日苗傅寇江山縣其裨將張翼等七人謂王鈞甫反覆斬鈞甫及馬柔吉與子忠懋憲及馬良輔周祐以衆降

張翼特轉翊衛大夫温州觀察使趙秉淵張桂孫並與轉拱衛大夫秉淵處州觀察使桂孫康州觀察使楊忠愍轉拱衛大夫成州防禦使劉祕轉拱衛大夫忠州刺

史趙械轉中奉大夫降直祕閣趙休轉奉議郎除直祕
閣宋福等十一人各轉三官資選人依條施行杜簡等
三人並與補承信郎 九月苗傅寇浦城縣十二日韓
世忠將兵夜至浦城北十里與苗傅等賊徒相遇賊跨
溪據險伏兵於路世忠使統制官馬彥輔將軍擊之賊
伏兵發王師敗績前軍沒彥輔死之賊乘勝至中軍世
忠率親兵力戰正彥兵大敗擒之棄軍遁去變姓名為
商入建陽為詹比所識遂擒之傳送赴行在七月六日
苗傅劉正彥苗翊領赴都堂審驗委是正身詔並就建
康府市曹陵遲處斬 范汝為 高宗建炎四年八月
二十三日臣寮言建州有范汝為於吉陽嘯聚詔令程

遵節制諸軍專一指置十一月十一日差神武副軍都
統制辛企宗將帶一行官兵前去建州收集撫定二十
三日神武前軍統制王琰言得旨帶領全軍人馬並來
信州措置防托把監探報建州甌寧縣范汝為賊馬幾
數萬已破建陽縣殺散軍兵之後聚眾愈多氣焰益熾
信州與建陽北界相連臣已差人齎公文旗榜并檄書
直入汝為所止溪洞婉順示以禍福說諭招安十二月
三十日措置福建路民兵寨柵謝嚮等申范汝為已受
招安從事即施遠國學內舍進士葉招積說諭招安首
先率部將范擒虎等出寨繼而樞密謝嚮等齎金字牌
前去內汝為補從義郎第二名范積中補忠訓郎第三

名葉格補忠翊郎紹興元年正月二十五日詔范汝為
令聽辛企宗節制九月二十一日詔辛企宗措置放散
汝為徒黨民兵去後經今半年未見了當令企宗措置
放散不得遷延具見統放散人數聞奏 以汝為見
存留萬人分屯把隘故也 十月四日企宗汝為乞移
軍福州就糧顯見不遵聖旨若不就機措置恐悞國事
詔企宗今係一路制置令火急前來福州依前後指揮
措置具已到福州日時間奏 以樞密院言八月十一
日已令企宗移軍福州就糧聞丁朝佐熊志寧在建州
浦城縣界猖獗企宗九月十七日尚在南劍州似闕人
彈壓自去年十一月企宗差往福建措置盜賊續差充

本路制置使放散汝為徒黨至今半年餘並未見了當
詔依前遷延不能措置即當別行遣將前去 九日監
察御史福建路撫諭明世將言范汝為昨受招安節次
已補修武郎閤門祇候已次首領等第補官了當其汝
為自就招安之後心懷反側依前剽掠 詔官軍殺獲
范汝為與補汝為見帶官職殺獲以次首領亦與所獲
人見帶名目已有官資人比附推恩并其餘立功人各
等第優加賞典徒中擒獲汝為出首之人特補武翼郎
外更與除一閤職仍給降空名告一道付宣撫司軍前
旌賞 十一月十七日福建等路宣撫使司言范汝為
等見在建州往來政和松溪界上熊志寧見在建陽縣

往來浦城崇安界上劫掠本司大軍前去福州竊恐賊
徒奔遁侵犯隣近州軍今來閩臯見在建昌軍欲令進
兵往光澤縣或邵武軍把截仍乞聽本司節制從之二
年五月二十六日福建江西荆湖南北路宣撫使韓世
忠言得旨提領大兵前來福建路收捕范汝為正月四
日卯時大兵到建州城下攻城凡六日破城殺戮賊眾
三萬人生擒賊首張雄等五百餘人其范汝為走入回
源洞窮迫自縊身死其餘首領賊徒或殺或招已見盡
靜 李敦仁 建炎四年十二月十五日虔化縣賊人
李敦仁并弟世雄等聚本縣六鄉集兵數萬在地名羅
源作過詐作本路提刑兵級破石城縣占洪州靖安縣

遣將李山張中彥統率兵馬會合措置并力勦殺仍令
樞密院給降黃榜前去曉諭賊中應干被虜脅從之人
許令出首特與放罪給據歸業其李世雄等正賊須管
捉獲 李敦仁元係虔州進士昨因聚眾作過招安補
承節郎同弟世雄在李山軍中使喚緣差出捉殺復聚
徒黨侵犯縣邑 二十一日賊徒萬餘人入虔化石城
縣詔擒獲李敦仁白身補修武郎有官人轉七官仍與
帶閭職擒獲世臣世雄白身補秉義郎有官人轉七官
如徒中能自擒獲依此推恩樞密院降黃榜下江東西
兩路提刑司虔州建昌軍曉諭紹興元年正月二十六
日李敦仁於撫州崇仁縣一帶用旗榜脅諸縣人丁謂

之闕丁合衆四攻已破江西四縣燒劫江東兩縣詔遣
江淮路招討使張俊疾速措置招捉無致滋長二月八
日賊衆數萬直湊建昌軍圍閉攻擊至二十四日江東
路安撫大使司準備差遣蔡延世部帶鄉兵進士李暉
等南北兩路出奇兵掩殺賊人數十寨餘黨奔走于臨
川宜黃路適蘇延世
轉兩官三月八日李敦仁衝突汀州寧化
縣清流縣行劫焚燒復回虔化縣五月十三日江西提
刑司遣發巡檢劉僅往汀州建昌軍南豐縣糾集槍杖
手首領陳皓等進兵掩殺收復石城縣劉僅所到李世
昌首級殺死賊將李國臣等以萬數生擒賴方等三百
餘人奪到騾馬器械不計其數首領陳皓補進武校尉

就差虔州石城縣尉巡檢劉僅先次轉兩官 八月十
八日李敦仁與弟世忠復結集徒黨侵入虔化縣劉僅
殺獲逆黨李突三等收復本縣劉僅轉三官除閤門祇
候權知虔化縣事 十二月十一日李敦仁殺死知虔
化縣劉僅下人馬依前猖獗遣安撫大使司統制郝晟
顏孝恭各統所部軍馬日下起發前去建昌軍界權聽
知建昌軍朱芾節制併力勦殺於是統制顏孝恭等進
兵攻討賊徒大敗勦戮盡靜 邵清 紹興元年五月
二十四日水賊邵清發大小戰舡三千餘隻直臨太平
州城下擺泊自褐山至采石四十餘里及分兵於州城
四面下寨詔令兩浙西路安撫大使劉光世遣統制

璦軍馬火急前去掩殺解圍太平州二十九日邵清用
雲梯火礮等晝夜攻打詔遣招討使張俊并韓世清併
力討蕩邵清及將姑熟溪圍岸盡行開掘放水湍沒太
平州舊城斷絕援兵來路詔遣耿進李彥將海舡多載
戰兵乘虛先徼江內水寨斷絕糧道然後措置進兵解
圍必取全功六月二十四日賊兵邵清一行人舡稱要
衝突江陰軍或福山河港轉太湖入海詔遣李進彥耿
進疾速統押人舡權聽劉光世使喚仍仰光世勦除盡
靜毋令散逸七月七日侵犯江陰軍界賊衆猖獗詔光
世速差官兵期在殄滅措置掩殺次第聞奏九日邵清
賊衆武經郎李進統率使臣効用人兵六十八人於江

陰軍投降詔擒獲邵清白身與補修武郎有官人轉七
官仍帶問賊擒獲單德孫立翹義閣在白身人與補秉
義郎有官人轉七官脅從之人十日出首放罪徒中自
相擒獲依此推恩若踰限不首例行勒殺李進先轉三
官仍令樞密院榜諭及令光世催促官兵擒捕無令通
返九月三日光世言水賊邵清見占通州崇明鎮等作
過上岸虜糧已遣喬仲福等人舡捉殺詔令劉光世措
置禁絕賊兵上岸虜糧招收脅從嚴戒諸軍乘機取勝
無致更有侵犯五日劉光世言諸頭項官兵戰舡見分
布崇明鎮圍繞斷絕抄虜已見邵清窮蹙慮乘風拋洋
侵犯明州詔遣徐文等乘駕本部海舡移明州定海縣

港口及餘饒縣黥山分布防托錢糧令明州應付二十
三日光世言官軍於崇明鎮大木硬寨晝夜攻打邵清
窮處城上放下幹辦機宜二人乞降只乞一放罪黃榜
詔邵清既改過自新可依所乞 張琪 紹興元年五
月二十五日兩浙提刑司言張琪賊馬侵犯常州宜興
縣界詔令兩浙西路安撫大使劉光世疾速分遣官兵
招捕無致滋長 張琪賊兵久在淮南占據縣邑自去
年渡江劫虜建康太平池州諸縣所至空殘昨受劉洪
道招安尋即反側 六月六日侵犯湖州安吉四安入
溧水縣九日侵犯臨安府界詔令韓世忠揀選精銳軍
兵三千人差官統師收捕限一日起發

仍就權貨務
支起發錢 十

日犯宣徽州詔令王德統率軍馬追捕繼犯臨安府獨
松嶺餘杭縣等處詔劉光世先差統判官滿達軍馬令
取便道與王德併力勦殺韓世清策應無令稍失事機
二十五日詔令呂頤浩劉洪道就分軍馬與韓世清搗
角相應務令擒獲首惡撲滅郡克八月九日江南東路
安撫大使司奏張琪欲犯饒州本司差總制閻阜等分
布精銳設伏交戰遂大敗追襲三十里是夜張琪愛將
姚興幹辨官王悅引所部將詣巨師古投降張琪全軍
望石門西走已遣人馬追躡詔閻阜等會合韓世清須
管殺獲盡靜十八日徽州奏張琪賊馬復入祈門縣去
本州百八十里詔令張俊摘一軍會合掩殺九月十二

日侵犯宣州詔王燦疾速領人馬同韓世清措置勦捕
劉洪道督責小張俊等軍馬會合日下併力掩殺李彥
柳措置捍禦十三日詔張琪見犯宣州賊馬甚衆令建
康守臣張鎮就便遣發王冠人馬併力勦殺二十一日
樞密院奏張琪李捧犯宣州日久雖有韓世清隄備慮
無外援詔令張俊於已到衢州人馬內摘那軍馬前去
宣州併力勦殺十月二十六日於楚州活捉到張琪申
解赴行在 時劉光世言鄧下使臣王真告首張琪使
朱和來結約謀反琪與李捧同反被捧併殺不捷琪下
水逃走結約諸軍謀叛作過光世專委知承州王林密
切捉到將官冷用等稱張琪向北去即時差從義郎閻

門祇候總轄張審帶領人馬前去至是於楚州活捉到十一月十二日詔令張俊押領張琪赴市曹凌遲處斬曹成紹興元年九月二十四日詔曹成賊馬自今春已來由岳鄂入分武寧南犯新昌上高西犯素州四縣西南寇攸縣醴陵遣湖東副總管馬友與李宏同率官軍討捕二年正月二十一日犯郴州永興縣衡州安仁縣劫散湖南安撫使下一行官兵挾持安撫向子謹留寨詔遣宣撫司大兵取道筠袁州前去潭州深恐賊徒侵犯二廣仰分摩高舉一頭項人馬由汀道州路往廣東西界首把截候宣撫司大兵到日會合二月五日侵犯道州寧遠縣賊萬衆自東門入占據本州城其

賊軍四散剽劫稱要於本州屯駐并緝問柳桂等州路
徑八日詔令宣撫司催督高舉星夜應援二廣及令湖
東安撫使岳飛統率副總管馬友并李宏吳錫韓京軍
馬急襲逐掩擊馬友等聽岳飛節制如宣撫大使司軍
未到間能擒獲曹成特除馬友觀察使逐項軍馬合用
錢糧令湖東漕臣極力應辦內岳飛一軍專委江西副
韓球應副仍仰廣東西帥臣起發洞丁刀弩手疾速統
帥前去逐路界首與岳飛等會合併力夾擊務要一舉
萬全無致稍失機會高舉人馬權聽廣東帥臣節制廣
東漕臣應副錢糧仍立定捕獲曹成等賞格下三月四
日宰執呂頤浩秦檜奏湖南大寇曹成為首馬友劉起

次之此數人相與交結為輔車相倚之勢上曰宣撫司
兵到必能平湖南諸寇續次令轉往湖北襄漢間以通
川陝譬如漢高祖先遣韓信破趙復破齊然後擒項籍
閏四月二十五日樞密院言宣撫司大兵未到湖南之
時曹成已是不伏招安侵犯二廣勢已猖獗遂降旨揮
令岳飛統率諸頭人馬前去掩擊據探報曹成已占據
賀州侵犯昭連州界作過令岳飛取徑路前去廣南併
力追襲不致侵擾州縣其合用錢糧委逐路漕臣多方
那融協力應副今約程已到詔令宣撫司酌量賊勢如
岳飛孤軍難以破賊即疾速分撥人馬前去策應務要
勦除盡靜保全二廣及期約廣西帥臣許中起發本路

軍兵及洞丁等併力會合掩殺五月十一日神武副軍
都統制岳飛言閏四月六日進兵離賀州二十餘里逢
曹成賊兵三萬餘人占據山嶮迎捍官軍即時鼓引士
卒掩殺賊兵奔走追趕至賀州城東江岸其賊望桂嶺
逃遁詔令岳飛不以遠近襲逐掩捕事畢當議取赴行
在優與褒擢如曹成實有自新之意一面從長措置六
月五日福建江西荆湖南北路宣撫使奏曹成至郴州
已受本司招安其餘頭項各已安帖繼詔武功大夫榮
州團練使曹成轉左武大夫陞本州防禦使 楊么
紹興二年十二月鍾相餘黨楊么黃誠夏誠周倫劉衡
楊欽等恃水出沒 鍾相者本鼎州百姓父子挾左道

感衆於建炎四年間占據荆岳界醴四州朝廷差孔彥舟捕之事具捕賊詔遣李綱劉洪道知鼎州程昌禹荆南府鎮撫使解潛分遣將士督捕既而昌禹言統率軍馬攻劫燒毀賊寨與楊欽接戰殺死五千餘人活擒五十餘人奪器甲四千餘件戰舡十九隻三年五月四日楊么尚有二萬餘人侵犯公安石首詔令折彥質節制鼎州并荆南鎮撫司軍馬疾速措置招捕仰程昌禹解潛如承彥質勾當軍馬不得逗留占各六月十一日楊么等賊火於澧潭岳之間占據青草洞庭湖一帶巢穴遣荆南府潭鼎澧鄂岳等州制置使王燦統率全軍并將帶崔增軍馬舟舡前去直搗巢穴出賊不意併力

討捕其雀增并彥質劉洪道解潛程昌禹所遣軍馬並
聽燧節制如更合添差軍馬戰船許關報逐路帥司差
撥所有雀增舟舡盡數將帶前去仍仰韓世忠江南東
路宣撫使劉光世刷那舟舡各五百隻與燧前去繼而
燧言今大軍合用錢糧雖蒙附帶三箇月緣沂流四千
餘里恐錢糧不繼詔更支降兩月神武後軍統領官高
進官兵錢米亦支五箇月 錢於建康權貨務都茶場
日取茶鹽錢內支米令都督府應副 十四日又以巨
師古下官兵二千人隨燧前往時彥質奏有持服人前
知岳州范寅具到討楊么議狀甚有方畧切中事機乞
賜睿覽速降處分 其議戰兵云寅前知岳州曾勸么

寨下王大供賊寨二十其諸寨事力不等共有賊船五百九十隻賊兵八千一百六十人今首尾五年其數必倍然糧食闕乏器械鮮少官軍之一可以當其十今約水陸兵各萬人可以取勝一水軍萬人探聞鼎州見管正義兵八千揀點精銳可得五千潭州帥府若選五千立可足備不必遠召荆郢之兵足矣議戰舟云賊有車舡如陸戰之陣兵敵頭舡如陸戰之輕兵官軍亦當分此令以出水軍萬人分五軍每軍二千人用車舡二隻容正兵二百五十人將佐稍工百人敵頭舡三十隻每隻容正兵五十人并棹夫押隊共八十二人常令附帶錢糧多集矢石其行常與敵頭舡相附使敵舡一進一

却進必有所取却必有所誘亦計之上者也議兵器云
賊有銳鈎柘叉竹為之柄若以快刀芟其頭及彼無能
為矣其勝賊之具弓矢為上鈎槍次之手刀又次之又
擇十人為牌砲手使居前列牌以衛我師砲以擊賊徒
議棹夫云戰兵恃其各善汨沒則緩不及事當使戰士
亦請棹夫之能則必安而可用今所責甚重賊祿行罰
棹夫必與戰士同賞仍使士卒汰其不能者使令乘載
人兵習其擊刺使戰士習熟波濤若履平地何賊之不
勝乎議形勢云岳州抵接賊寨比諸州最近如澤州道
發及會合荆鄂舟師皆合徑由于此但專令潭州攻討
么賊舟師進發皆由于岳而岳屬他路况岳有土人可

募以為前鋒者緣本州屈之不能集事乞將岳州依舊
隸湖北路其討殺楊公事于本州者權令使司節制於
上供米內支撥一萬石議錢糧云昨湖南帥司會合鄂
州荆南兵馬令各帶錢糧就行支遣各緣闕乏乞專委
湖南漕臣一員權兼充湖北路轉運使專功應副議時
月云攻討水賊須自十月霜降水落之時港汊分隔則
易為擒又當分築角道安置砲座多發巨石攻其附近
議攻討云武陵辰陽縣界昇江南岸有夏誠對二楊公
下水北上林等寨各據陸向水維舟岸側其昇州見與
夏誠賊寨對壘而賊於昇江南北分布寨柵二十所岳
州去賊武口陽口等寨甚便令一日可行故昇州為陸

兵之地岳州為水兵之地如使陸兵萃於鼎州攻夏誠
楊公以禦其前繼使水軍進自岳州以乘其後而我攻
其心伐其謀使背腹受敵進退無據賊將安往詔下其
議令彥質攻討七月九日王瓌乞招安盜賊金字牌上
曰楊公跳梁江湖罪惡貫盈故命瓌討之何招安為可
勿予仍命瓌將來破賊誅止渠魁三五人盡貸宥從許
以自新八月一日上曰楊公賊徒欲侵犯潭州界蹂踐
禾稼秋成之際深宜闕防令王瓌疾進討發措置十月
十一日瓌具言大將軍到鄂州增壕設壘擺布戰艦見
欲臨敵緣大兵人舡須自岳州汧流前去賊寨數百里
目令湖水瀾漫未可下手詔即令湖水減落疾速前去

討捕十二月十四日詔大軍討蕩已累破賊寨訪聞其
間有西北無歸之人為賊誘脅竊慮一例殺戮有旨降
旗榜五副付王瓌曉諭招收今來王瓌見在上流昇江
一帶慮逼逐賊徒奔衝岳鄂州界可令制置使岳飛劉
洪道同共遣兵掩殺毋令走透上因諭輔臣曰王瓌令
復往昇州岳飛繼回岳鄂兩軍上下重湖楊公早得平
蕩若歸過自新必令招懷樓舡棹卒上流之備不勝用
也 四年二月五日統領官胡兜於麤石溪逢賊血戰
殺賊首檀成其餘墮落山崖及奪到軍器五百七十餘
件五月二十七日立賞許公等出首七月二日王瓌言
已招到賊衆一萬餘 荆南等州鎮撫使司并昇州共

節次招到賊將等第賜官

九月三日知岳州程千秋

遣准備使喚李實入賊寨招安偽周七太尉等五年二月十四日詔黃誠楊太周倫等已前罪犯一切赦免疾速前來太平州建康府以來樞密知院張浚行府并開府劉光世軍前公參當更優異轉官依舊充水軍若內有願乞外任或隣近軍州鈐聽都監差遣者聽或願歸農人即於鼎澧州撥賜田土支破口食借貸種子養贍仍免五年稅役昨自建炎間孔彥舟領集潰兵於荆南鼎澧侵擾是時土豪鍾相為首結集鄉社與孔彥舟接戰後因彥舟詐作鍾相賺開潭州城門傷害軍民妄申朝廷稱是鍾相周倫等謀叛因此朝廷發兵擒捕彥舟

其所差官兵不知因由致與忠義民兵交鋒緣此累年
疑貳不敢自新朝廷察見始末故給勅榜撫諭云 三
月八日解潛奏楊太併兵侵犯枝江公安等縣遣將斬
獲太首偽太尉夏景都統李全活擒偽統領趙暹等獲
捷時王瓊為賊敗屺於卞山未幾都統張浚言公等屢
行招撫妄作遷延今來岳飛親提大兵分屯要害及尅
日進攻賊寨致黃誠等畏懼失措束手請降除楊公已
就殺戮外招接到楊欽劉衡夏誠楊壽楊收黃進等二
十餘頭項徒衆二十餘萬破蕩巢穴並已了當湖湘於
是底平